



15. oktober 2018
Jens NapãtôK´

UKA 2018/187

Uunga siunnersuut: Avatangiisit innarlitsaaliorneqarnissaanik Inatsisartut inatsisaata allangortinneqarnissaa pillugu Inatsisartut inatsisaat nr. xx, xx. xxx 2018-imeersoq.

(KANUKOKA-p atorunnaarsinneqarnerata malitsigisaanik allangortitsineq)

Naalackersuisut Siulittaasuat

Siullermeerneqarera

Avatangiisit innarlitsaaliorneqarnissaanik Inatsisartut inatsisaata allangortinneqarnissaa pillugu Inatsisartut inatsisissaattut siunnersuut imatut Partii Naleqqamiit oqaaseqarfigissavarput.

Inatsisissami tunuliaqutaasoq tassaavoq KANUKOKA ulloq 31. juli 2018 atorunnaarsinneqarnerani Avatangiisit allangutsaliorneqarnissaat pillugu Naammagittaalliuteqartarfimmumut ilaasortassamik inassuteqarsinnaajunnaarnera. Avatangiisit Innarlitsaaliorneqarnissaat pillugit Naammagittaalliuteqartarfik pingasunik ilaasortaqqarpoq. Naalackersuisut Inatsisartunit inassuteqarneq malillugu siulittaasumik, kiisalu ilaasortanik marlunnik toqqaasarput, taakkunanga ataaseq maannamut Kalaallit Nunaanni Kommunit Kattuffiannit (KANUKOKA) inassutigineqartarsimalluni. Inatsisartut inatsisaat nr. 9, 22. november 2011-ersoq, kingornalu allangortinneqartumi inatsisartut inatsisaat nr. 1, 29. maj 2012-imeersumi maanna KANUKOKA matuneqarnerani ilaatigut naqqiissutitut § 61 imm. 1 allangortinneqartussangormat kommunit ilaasortassamik toqqaasalersnissaat Inatsisissami siunnersuummi naleqqussarneqarpoq. Taannalu §61 imm. 1 imatut oqaasertalerneqarpoq: "Avatangiisit Innarlitsaaliorneqarnissaat pillugit Naammagittaalliuteqartarfik pingasunik ilaasortaqqarpoq. Inatsisartut inassuteqareernerisigut siulittaasussamik aamma ilaasortanik marlun-nik, taakkunanga aappaa Kalaallit Nunaanni kommunit ataatsimoorlutik inassuteqarnerisigut, Naalackersuisut toqqaassapput. Ilaasortanut tamanut ilaasortanik toqqaasarnertut periaaseqarluni sinniisussanik toqqaasoqassaaq." Uani Inatsisartut Inatsisissaattut siunnersuummi maluginiagassaavoq Naalackersuisut kommunit sunniuteqarnerisa ingerlaannarnissaat qulakkeerniarlugu suliniuteqarnera isumatusaarnertut pisariaqartutullu isumaqarfigineqartoq Qeqqata kommuniannit. Tusarniaanermi Kommune Kujalleq inassutigaa kommunit akornanni ilaasortassamik innersuussuteqarnermi isumaqatigiinngitsoorpata, amerlanerussuteqartut taasinerisigut kommunit innersuussuteqarsinnaasut inatsisip oqaasertaani toqqaannartumik Maluginiagassaavoq Naalackersuisut tamanna inatsisissami malinneqareermat kommune Kujalleq piumasaa malinneqarlunilu qularnaaneqareersimasoq. Kommune-t peqatigiillutik toqqagaat amerlanerussuteqartut aaliangiineratigut pisassasoq Naalackersuisut inatsisissami ersarissarpaat aammalu taamatut periuseqarneq kommune oqartussaanageranut akuleruffigineqaratik nammineersinnaassuseqarnerat ataqqillugu aaqqiinerusutut isigineqarluni.

Maluginiagassaavoq uani qulaaniit aqutsineq uani atorniarneqarani kommunit nammineersinnaanerata ataqqiniarneqartoq, tamannalu Partii Naleqqamiit tamakkiisumik taperseratigut oqaatigissavarput.